



## **Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

II. De via Angeli voni, qua nimirum ratione, quotq[ue] & quibus instantibus  
peruenerit ad gloriam.

---

[urn:nbn:de:hbz:466:1-72856](#)

cum auxilio maiori Dei ad Deum se conuertisse; vt ita inæqualitas gratia simul & inæqualitat naturæ, & dispositionis responderet; cum hoc tamen discrimine, quod ipsa perfectio naturæ per se spectata, nullo modo esset causa gratiæ ipsis collata, vt recte declararunt Gregorius de Valentia, Vasquez; nisi forte materialis & remota, per modum occasiæ & motiæ ad dandam maiorem gratiam actualem, vt notat Suarez cit. cap. 10. num. 9. An vero etiam soli maiori perfectioni individuali (qualem quoque in Angelis dari verius censuimus, etsi neget S. Thomas) maior gratia respondeat, non ita certum est; tamen etsi prior ratio, ad hoc affirmandum, non magnum momentum habeat, probabilitatem aliquid adserit ratio secunda; vt considerant patebit. Quocirca etiam authores indiscriminatum de maiori perfectione naturali loquuntur. In qua re etiam discrimen esse potest inter hominem & Angelum; quia maior perfectio individualis in homine aut nullo modo, vt quidam existimant, aut non tota, oritur ex maiori perfectione ipsius formæ per se & principaliter intentæ; sed ex varia & diversa dispositione corporis; que ex varia vi aut applicacione causarum secundarum oritur; cum tamen omnis diuersitas perfectionis in Angelis sicut à solo Deo efficitur, ita etiam ab eodem per se videatur intenta.

<sup>17</sup> Arque ex his colligitur primo, non solum Angelos omnes fuisse creatos cum virtutibus Theologicis, nimairum fide, spe, & charitate; itemque cum ceteris virtutibus infusis, quæ Angelis conuenient possunt; cum omnes istæ virtutes sint individualis comites charitatis & gratiæ: sed etiam Angelos omnes ipsis elicuisse statim à principio suæ creationis liberos actus fidei, spei, & charitatis; cum haec sint dispositiones necessariae ad gratiam habitualem consequendam, vt sulo loco degradata doceatur.

De fide expresse docent S. Thomas quæst. 18. de verit. art. 2. & in 2. 2. quæst. 5. art. 1. & omnes Commentatores ibidem, item Albertus 2. part. sum, quæst. 20. memb. 2. Viguerius Inst. cap. 20. §. 1. vers. 4. Turrecrematalib. 1. de Eccles. cap. 25. num. 1. Ruardus artic. 2. & 8. & Suarez hic lib. 5. cap. 5. à num. 6. etsi fidem in Angelis fuisse negavit Durandus in 2. distin. 23. quæst. 9. à num. 12. cui sententia fauunt etiam Alensis 3. part. quæst. 64. mem. 8. Bonaventurain 3. dist. 23. artic. 2. quæst. 3. Gabriel d. 23. quæst. 9. Scotus quæst. 4. & quod ad supremum Angelum aperte etiam consentit Palaudanus q. 4. Mouentur præcipue; quia Angelis habuerunt evidenter rerum fidei, saltem in reuelante se attraffante.

Sed hoc non obstat; quia assensus fidei non propterea nitebatur ipsa naturali evidentiæ signorum, quibus reuelatio manifestabatur; sed solum auctoritate supernaturali Dei reuelantis, ipsa vero illa evidentiæ signorum solum habebat se per modum conditionis proponentis obiectum fidei, idque credibile efficientis; quia de causa etiam assensus fidei & multo certior erat, & natura sua excellentior (ut pote supernaturalis quoad substantiam) quam iudicium illud naturale evidens, de reuelatione à Deo facta, vt recte etiam docet Suarez hic citat. cap. 5. à num. 16. & suo loco de fide pluribus docui. 2. 2. q.

5. art. 1. vbi etiam addidi alium modum hanc veritatem defendendi, si nempe dicamus, Angelos præter reuelationem hanc evidentem, habuisse etiam aliam inevidenter reuelationem aliis signis factam, de quo suo loco plura tomo 3. disp. 1.

Quari hic posset, quos actus fidei, & circa quæ obiecta fidei assensum elicerint Angelici viatores. Sed quia res hæc ad alias materias spectat, breuiter dico, habuisse fidem explicitam non solum Dei, finis ultimi & remuneratoris supernaturalis, vt docet Sanct. Thomas 2. 2. quæst. 5. a. 1. nec solum Trinitatis mysterii, vt habet communis Doctorum sententia; sed etiam Incarnationis quoad substantiam, vt cum S. Thoma 1. p. q. 64. a. 1. ad 4. & in 2. 2. quæst. 2. art. 7. ad 1. & in 2. dist. 11. quæst. 1. art. 4. & opusc. 1. cont. errores græc. cap. 2. 6. & comment. ad Ephes. 3. lect. 3. docent plures Theologi, non solum ii, qui dicunt, Angelos peccauisse ex inordinato appetitu & inuidentia hypostaticæ unionis, &c. sed etiam alii, quos sequitur Suarez cap. 6. à num. 9. tametsi contrarium dixerint Marsilius 2. part. quæstion. 2. 6. mem. 1. & Gabriel in 2. distin. 9. quæst. 2. artic. 3. dub. 4. Et cohæret ea doctrina cum eo, quod thesi 73. de Incarnat. docuimus, Christum esse caput Angelorum etiam secundum influxum gratiæ. De qua te plura in 3. parte.

## D V B I V M II.

### De via & statu Angelii boni: quam in mirum ratione, quoniamque & quibus instantibus seu moribus peruenierit ad gloriam.

S. Thomas 1. p. q. 62. a. 4. 5. 7. 8. 9. & q. 63. a. 8.

**D** E haec conuenit inter Doctores, & certum est primo, Angelos bonos vere fuisse promeritos suam beatitudinem, vt docet S. Thomas hic q. 62. a. 4. & Magister in 2. dist. 5. cap. vlt. & est doctrina S. Augustini lib. de corrept. & grat. cap. 1. & communis aliorum Patrum, in quibus Gelasius in disput. contra Pelagium, Prosper lib. 1. de vit. contemplat. cap. 3. Fulgentius lib. de fid. ad Pet. cap. 3. Isidorus lib. 1. desum. bono cap. 10. Gregorius homil. 7. in Ezechiel. Anselmus de casu diaboli cap. 6. 13. 14. 15. & 24. & Rupertus lib. de Timore Dom. cap. 7. Ratio huius rei communis est Angelo cum homine: quia & generalis illa lex Dei, Non coronabitur, nisi qui legiime cœraverit, & que ad vitrosque pertinet: & consentaneum erat, vt creaturis ratione ventibus nec ultima beatitudino, nisi per modum præmii, nec præmium sine labore & certamine tribueretur.

Secundo conuenit inter Doctores Scholasticos, etsi certum admodum fortasse dici non possit, viam Angelorum tam bonorum, quam malorum, non admodum diuturnam fuisse, vt cum S. Thoma q. 62. a. 5. & q. 63. art. 6. ex communis tradunt Gregorius de Valentia hic q. 13. pun. 2. & alii inferius citandi. Quod etiam non obscure colligitur ex scriptura indicante, diabolum necedi in veritate & gratia ste-

tis, & mox post lapsum è cœlis fuisse deturbatum, vt diximus etiam dubio præcedente. Ratio sumitur ex S. Thoma cit. quæst. 62. artic. 3. & quæstion. 63. artic. 6. Quia modus adipiscenda perfectionis supernaturalis in Angelis, debet aliquo modo esse proportionatum modo & acquisitioni perfectionis eorundem naturalis: at hic talis est, vt non egeant longo tempore ad suam perfectionem naturalem obtinendam, sicut alioqui in homine accidit: Ergo etiam modus & via adipiscendi perfectionem vitam supernaturalem brevi tempore circumscribi debebat. Accedit, quod Angelis sua natura difficulter, si non omnino immobiliter, dimouentur ab eo, quod semel plena cum libertate & deliberatione elegerunt seu decreuerunt, vt dictum quæst. 4. dub. 2. Quare non erat ratio, in voluntate quodammodo obfirmata, diutius protrahendiviam, & expectandi vel diuturnam constantiam in iustis; vel pœnitentiam in lapsis. Contrarium tamen habetur in Reuelationibus MS. sub nomine B. Amadei, Raptu L. vbi dicitur, *Nos. Angelis omnes non parvus & brevibus morulis, ut vos creditis, sed multis temporibus viatores sumus.* Quod tamen non est credendum, donec ab Ecclesia recipiatur; quod vt existimo, numquam fiet.

3 Conuenit tertio, viam bonorum & malorum Angelorum fuisse æqualem, ac proinde simul & in eodem instanti coepisse & beatitudinem bonorum, & supplicium malorum, vt ex communi etiam tradunt Gregorius de Valencia loc. cit. & Molina q. 63. art. 6. consentaneè S. Thomæ q. 62. a. 5. & q. 63. a. 5. ad 4. & art. 6. præcipue ad 4. Ratio est. *Quia in quo instanti mali Angelii peccando ad terminum perirent, in eodem boni constanter perdurando in iustitia, itidem viam conluserunt, vt inferius dicetur.* Et parerat, vt in eadem natura adeo vniuersitate agente, idem omnibus præfiniretur via terminus.

4 His positis, controversum est inter Doctores, per quos, & quotnam actus, boni Angeli promoverint consecrationem gloriae: vbi simul etiam eadem occasione de via mali Angeli agendum. Et prima sententia est Magistri in 2. dist. 5. cap. vlt. vbi docuit, Angelos fuisse promeritos beatitudinem, per opera consequentia, non antecedentia beatitudinem. Quam sententiam tradiderunt etiam Antiodorensis lib. 3. tract. 1. cap. 7. & Prepositus apud Marsilius in 2. q. 4. art. 2. & probabilem censem Albertus in 3. dist. 18. a. 4. Ex qua sententia sequitur, viam Angelorum bonorum perdurasse vna cum statu beatitudinis.

Sed merito refellitur à S. Thoma cit. q. 62. a. 4. & aliis. Tum quia & charitatis, & reliquarum virtutum actus in beatis aliquo modo procedunt ex beatitudine, velut ex principio; principium autem meritum non potest cadere sub idem meritum. Tum quia nulla ratio est, cur non cum afflictione beatitudinis æque in Angelis, ac in hominibus cesseret via, ac meritum, saltem respectu ipsius beatitudinis essentialis. Quia vt optime dixit S. Thomas cit. q. 62. a. 4. *Meritum habet rationem via ad finem: et autem quæst. in termino, non conuenit moueri ad terminum;* & sic nullus meretur quod iam habet: ac proinde est contra rationem meriti, quod Angeli mereantur beatitudi-

nem per ea, quæ iam beati operantur in diuinis ministeriis. &c. Denique hac ratione sequeretur, Angelos bonos toto tempore, quod antecedit beatitudinis consecrationem, fuisse eiusdem conditionis cum Angelis malis, saltem spectatis secundum eam durationem, quæ peccatum præcesserat: Sed hoc est absurdum: si enim ita eiusdem cum illis conditionerunt, nulla ratio est, cur non omnes pariter facti sint beati; quandoquidem Angelii mali, pro eo tempore, non minus digni erant beatitudine, nec minorem ad illam aptitudinem habebant, quam bona, dum beatificarentur.

Secunda sententia est, Angelos in primo instanti fuisse creatos in pura natura; deinde in secundo simul & beatos fuisse, & promeritos beatitudinem; sic tamen, vt meritum naturæ antecederet beatitudinem. Ita Albertus 2. part. tractat. 4. quæst. 19. S. Thomas quodlib. 9. q. 4 artic. 3. & in 2. dist. 5. quæst. 2. art. 2. Bonaventura art. 3; quæst. 2. Richardusart. 2. quæst. 1. Aegidius quæst. 2. artic. 2. Marsilius in 2. quæst. 4 artic. 2. Mayron in 3. d. 7. quæst. 1. & probabilem censem Argentinam 2. dist. 4. & 5. quæst. 1. art. 4. Qui etsi varie suam hanc opinionem explicent, in eo tamen fundamento omnes pariter consentiant, Angelos non fuisse creatos in gratia. Sed & hæc sententia bene refellitur à S. Thoma hic cit. quæst. 62. art. 4. vbi quod antea hæc de re docuerat, retractat: non quia vniuersim repugnet, simul esse meritum & præmium, ut patet in merito argumenti gratia, sed quia non potest meritum simul esse cum beatitudine. Nam gratia, per quam meremur, est gratia via, ac proinde adhuc mobilis ac perfectibilis ex ratione status: qui autem est in beatitudine, habet gratiam consummatam: Ergo non potest simul stare beatitudo cum merito beatitudinis: vñ in homine etiam est manifestum, cui sine ratione quoad hoc dissimiles constituantur Angelii: Accedit, quod fundamentum huius sententia falsum esse ostendimus, dubio præcedente.

Tertia sententia est Caietani hic quæstion. 63. articulo sexto, qui asserit duobus instantibus fuisse transactum negotium tam à malis, quam à bonis Angelis. In primo, inquit, fuerunt omnes Angelici creati in gratia, & meruerunt beatitudinem. In secundo boni continuantes suum meritum, simul consecuti sunt beatitudinem; mali vero non continuantes meritum, sed præcedens meritum mortificantes per peccatum, simul fuerunt damnati. Sed & hæc sententia communiter refellitur, quoad expositionem secundi instantis; tum ob dicta, non enim recte ac in eodem instanti iungitur meritum vel demeritum cum beatitudine, vel damnatione. Tum quia est contra S. Thomam (cuius tamen defendendi studio fuit excogitata) cit. quæst. 62. art. 4. vbi expresse negat, meritum beatitudinis simul esse posse cum beatitudine. Quod pariter etiam & ob eandem causam de damnationis merito dicendum; nam & hoc prius est damnatione, vt in hominibus patet.

Vnde etiam Raphael Ripa quæstione sexagesima tercia, articulo sexto, ita Caietani sententiam explicat & defendit, vt dicat quidem in eodem instanti Angelico Angelum & promeritum esse suum

termi-

terminum, & simul in termino fuisse, sed non secundum idem instantis nostri temporis, sed potius secundum diuersas partes eiusdem temporis, cui vnum illud instantis coexistere potuerit; ita vt in priori parte fuerit meritum, in altera p̄mum, seu merces. Quod re ipsa nihil aliud est dicere, quam operationem, qua bonus Angelus meruit, vel malus demeruit, durasse simul cum termino. Sed hoc est extra propositionem; nec ad mentem Caetani: quin etiam falsum esse videtur; non solum quia una & eadem actio non est meritum sui ipsius, sed etiam quia in termino, tam bonis, quam malis Angelis, superebant noua motiva & incentiva, quibus ad operandum circa Deum & diuinam mouerentur, vt proinde etiam actiones variari necesse esset, vt recte Vasquez disp. 229. cap. 11.

<sup>7</sup> Quarta sententia est Ferrariensis 3. cont. gent. cap. 10. qui itidem duobus instantibus rem perfecitam fuisse afferit, sed aliter, quam Caetanus. Nam in priori, ait, vtrosque tam bonos, quam malos Angelos meruisse beatitudinem, quamuis sine perfecta libertate, quod in eo instanti peccare non possent: in secundo bonos non ponentes obicem, ne mortificantes præcedens meritum, consecutos fuisse gloriam, malos vero peccando obicem posuisse, simulque fuisse damnatos. Sed merito etiam refellitur à Gregorio de Valentia q. 13. pun. 2. Vasquez disput. 229. cap. 9. Suarez hic lib. 5. cap. 11. & alii. Tum quia nulla ratio est, cur dicantur Angelii in primo instanti non habuisse plenam libertatem, esto peccare non potuerint, (de quo infra;) cum & natura sua liberi essent, nec omnino ad perfectam deliberationem tempore indigant. Tum quia etiam hic meritum damnationis non recte simul iungitur cum damnatione: damnatus enim est in termino, qui autem demeretur, in via. Denique durum est, Angelos bonos & malos, toto tempore terminum antecedente, fuisse eiusdem inter se conditionis & meriti.

Quare sunt alii, qui existimant viam Angelorum tribus instantibus fuisse consummatam. E quorum numero est

<sup>8</sup> Quinta sententia Capreoli in 2. dist. 4. q. 1. a. 1. & 3. qui instantia illa sic distinguit. In primo, ait, fuerunt omnes Angelii, tam boni, quam mali, in gratia, sed sine merito beatitudinis, quia vt dictum dub. præceden. ex Capreoli sententia, Angelii receperunt gratiam, sine propria dispositione. In secundo boni, vendo accepta gratia, promeriti sunt beatitudinem; mali autem peccando amiserunt gratiam. In tertio boni beatitudinem, mali autem damnationem adepti sunt. Atque eandem sententiam recentioribus Thomistis tribuit Vasquez loc. cit. quamvis Bannes q. 63. a. 6. & Zumel q. 62. a. 5. quæstiunc. 2. eam potius refellant. Quid autem nos de ea sentimus, mox dicetur.

<sup>9</sup> Sexta sententia est Gabrielis in 2. dist. 5. q. 1. a. 2. & Bassolis quæst. 1 artic. 3. qui hoc differunt à Capreolo, quod in primo instanti constituant Angelos sine merito quidem, sed simul etiam in pura natura. Eandem sententiam & instantium designationem velut probabiliorem refert etiam Scotus eadem distin. 5. quæst. 1. Sed utraque hæc sententia refellitur ex dictis dub. præceden. in quo docuimus,

Angelos & in gratia creatos fuisse, & ad eam se proprio actu dispositi. Quæ ratione refelluntur etiam omnes illæ sententiae, quæ quatuor instantibus negotium hoc transactum fuisse docent: omnes enim supponunt, Angelos non fuisse creatos in gratia; præterquam quod alii etiam modis parum probabiliter philosophentur, vt ex dictis colligi potest, & videre est apud Scotum & Gabrielem locis citatis.

<sup>10</sup> Quare idem Scotus loc. citat. hanc septimam sententiam cæteris anteponit; quæ tria instantia, siue tres moras in hunc modum disponitac distinguit, vt in prima omnes Angelii fuerint creati in gratia ac meruerint; in secunda mora, boni persisterint in merito, & mali ceciderint; in tertia morula seu instanti utriusque fuerint in termino. Declarans vero Scotus ibidem articulo secundo, quæ fuerit ratio secundæ moræ, docet, eam contineri plures actus, quodam ordine sibi succedentes, tam bonos ex parte boni Angelii, quam malos ex parte mali. Quæ sententia est probabilis, & defenditur etiam à Suarez lib. 5. cap. 11. num. 14. & Molina quæstion. 63. articulo sexto, eidemque fauet Sanctus Thomas quæst. 63. artic. 6. ad 4. vbi expresse duo instantia etiam viæ boni Angelii videtur tribuere, vt dicimus.

<sup>11</sup> Octaua igitur, & verior sententia est, quæ totum negotium sic ait fuisse transactum, vt in primo instanti omnes Angelii creati in gratia, meruerint beatitudinem; Angelii vero boni aliquamdiu perseverantes in eodem merito, denique in secundo instanti assediti sint beatitudinem; mali vero dum priores illi meritum continuarent, mox in secundo instanti peccarint, & denique in tertio instanti fuerint damnati, ac in termino. Vbi instantia accipitur pro instanti Angelico, quorum unum constituitur ex una, seu pluribus operationibus Angelii simultaneis; plura vero instantia, ex pluribus operationibus Angelicis succedentibus; quæ in una aliqua durabili & permanente operatione Angelii non fundentur, vt inferius dicetur: esto interim singulæ operationes, adeoque & instantia coexistant, aut saltem coexistere potuerint temporis nostro, iuxta S. Thomam q. 62. a. 6. ad 4.

<sup>12</sup> Atque hæc sententia colligitur ex S. Thoma hic cit. quæstio. 62. artic. 5. vbi dicit, sanctos Angelos per unicum actum charitatis ad terminum peruenisse, & quæst. 63. artic. 5. & 6. interalia docet, malos Angelos per meritum primi instantis consequentes fuisse beatitudinem, nisi impedimentum posuissent peccando. &c. quicquid Suarez & Thomista nonnulli refragentur. Eandem sequuntur Gregorius de Valentia citat. quæstion. 13. pun. 2. Vasquez disputat, 229. cap. 10. & vt appareat Bannes quæstion. 63. artic. 6. Nec videtur dissentire Zumel ibidem; quamvis enim in secundo instanti nouum meritum tribuat bonis Angelis, vt ita non minus boni, quam mali Angelii, duo instantia viæ habuerint; non tamen collocari nouum hoc meritum in diuersa operatione Angelica, succidente priori; & potest nouum meritum esse, ac dici, vel ob solam continuationem prioris meriti, vel ob solam accessionem nouæ alicuius operationis se-

cundariae, qua primum meritum, primumque instantia se non variantur, ut dicemus.

13

Quare in hoc ipso, etiam quoad modum loquendi, magis probatur quod docent Valentia, Bannes, & Vasquez locis cit. Angelos bonos ad terminum peruenisse, in duobus instantibus intrinsecis, in quorum priori, habuerint durabile aliquod meritum beatitudinis; altero, beati fuerint effecti: malos vero in tribus, quorum primo promeruerint beatitudinem, non minus quam Angeli boni, ut expresse docet Sanct. Thomas quæst. 63. artie. 6. in secundo peccarint; in tertio damnati fuerint: è quibus tamen priora duo instantia non fuerint diuturniora, quam prius & vnicum illud instantia vñ Angeli boni; Ex quo sequitur, viam Angeli boni vnum tantum habuisse instantis intrinsecum; viam vero Angeli mali duo, quibus tamen vnicum illud instantia boni Angeli secundum durationem fuerit æquale.

14

Atque hæc sententia non aliter probatur, nisi quia & conformis est naturæ Angelicæ, & proportionata modo, quo homines perducuntur ad suum terminum; & recte tectur omnia, quæ de Angelorum conditione, qua cum creati fuerunt, dicta sunt dubio præcedenti: præsertim etiam saut modus loquendi Patrum, dum dicunt Angelos bonos perseverando (non variando) in statu innocentie, fuisse gloriam consecutos, ut videtur est in Gelasio, Gregorio, Prospero, & aliis citatis initio.

15

Dices. Ex communi doctrina Patrum; Luciferum in sua secunda mora excitasse bellum in cœlo contra Deum, aliosque Angelos ad rebellionem prouocasse; Michaelem vero principem cum reliquis sanctis Angelis sectatoribus suis illi restitisse, & Dei gloriam & honorem zelasse: Ergo necesse est, Angelos bonos post primum meritum beatitudinis, primumque instantis exercuisse nouos actus, tum intellectus, tum voluntatis, quibus Lucifero resistarent, eiusque allegationi ad peccatum contradicerent, puta per peculiares actus humilitatis, subiectio- nis, & ferventioris charitatis erga Deum; & forte etiam orationis, quibus auxilium ad perseverandum, & resistendum implorarent.

16

Idem confirmatur ex S. Thoma quæst. 63. a. 6. ad 4. cum ait, primam operationem (primi instantis) in omnibus Angelis bonis fuisse: sed ab hac operatione quodam (nempe bonos) per matutinam cognitionem ad laudem verbis nissi conuersos, quodam vero in scipis remanentes, peccasse &c. Et ideo in primo instanti omnes fuisse bonos, sed in secundo fuisse bonos à malis distinctos. &c. Quibus verbis aperte S. Thomas duo instantia etiam viae boni Angeli tribuere videtur; idque iuxta Augustinum 4. super Genes. ad lit. c. 24.

17

Respondeo ad primum, concedendo, plures eiusmodi actus fuisse secutos; sed nego idcirco, absolute loquendo, eos in Angelo bono aut nouum instantia viae constituisse, aut abrupte prius meritum, primosque actus merendi in prime instanti habitos, saltem secundum substantiam, & loquendo à potiori, vnde sumenda est denominatio: quia nihilominus & primi actus fidei, spei, & charitatis erga Deum, in quibus principaliter consistebat primum meritum, & primum instantia viae boni Angeli, permanere & perdurare potuerunt; quibus pro-

inde perdurantibus, etiam ipsum primum instantia viae Angeli (sumendo à potiori denominationem) perdurasse recte dicitur. Quia vt instantia multiplicentur, non satis est, vt numerus actuū augatur, sed necesse est, vt à priori actu principalī, & qualiorum fonte cesseret, & ab illo ad alium transi- tus fiat.

Quod ex eo etiam comprobatur. Nam alias non tantum duo, sed etiam tria, quatuor, vel quinque instantia viae Angeli boni constituenda forent; quando ipsemet etiam Suarez fatetur, in secundo illo instanti rursum varios actus, & quidem sibi succedentes, interuenisse; sed quia tamen fuerunt connexi cum uno principali actu in se indi-uisibili, ac permanenti, à quo sumuntur vñitas illius instantis, seu mora, ideo ait, eos vnum tantum instantis constituere, citat. capit. t. 1. numero 19. Accedit, quod etiam in secundo instanti viae mali Angeli, dum prælarentur cum Michaeli, credibile est, fuisse nonnullam moram transactam; qua etiam ipsi Angelii mali vñque plures actus malos sibi succeden- tes elicerent; & tamen nemo ideo plura instantia peccatis Angelorum tribuit.

Qua de causa etiam dici potest, instantis vñ- tam in proposito non ita stricte & mere physice accipi, sed quasi moraliter, pro aliqua mora, seu modo operationis Angelicæ, que secundum mo- ralem estimationem eadem sit, & æstimari possit; esto in ea physice sit aliqua pluralitas, & forte etiam successio actuum. Qua de causa etiam Scorus, & alii nonnulli Theologi, magis proprie eiusmodi instantia appellant moras seu morulas; & Suarez quoque, & alii vtrumque modum loquendi vñ- pant. Neque his aduersatur Sanctus Thomascitat. quæstion. 62. artic. 5. vbi docet, Angelos per vnum actum charitatis beatitudinem fuisse consecutos; non enim excludit actus fidei & spei; neque forte etiam plures actus secundarios succedentes: nihilominus enim vni actui charitatis recte tribuitur, consecutio beatitudinis, quod in illo reliqui omnes fundentur, aut ex illo velut fonte profluant.

Quare nec illud obflat, si quis cum Suario con- tendat, ipso etiam actus fidei, spei, & charitatis in Angelis bonis, fuisse deinceps quoad individuationem mutatos; eo vel maxime, quod Angeli semper ex tota intentione præexistens habitus o- perarentur, habitus autem ipse continuo ex ipsa duratione meriti cresceret; &c. Nam & hanc obiectionem pariter omnes dissoluere debent; si enim propter eiusmodi varietatem secundum intentionem constituendum est nouū instantis, iam non vnum tā- tum, sed multo plura, imo infinita instantia consti- tuenda erunt: cum in continua duratione meriti, necesse fuerit continuo intendi habitum, si augmentū intentionis continuo subsequebatur meritus. Dico ergo, augmentum habitus solū, finito iam actu me- rendi, adeoq; in termino viae, collatum fuisse Ange- lo; aut certe quicquid sit de hoc, tamen ex variata intentione actus præcise non constitui in proposito nouum instantis; cum nihilominus moraliter, & quasi quoad substantiam in communi spectatam, idem actus, eademque conditio seu modus operandi permanerit; quodad durationem & identitatem vnius instantis satis est, ut diximus.

Ad

Ad locum Sancti Thomæ superius obiectum, fateor, eum planè esse obscurum, ut agnoscat etiam Gaietanus eodem art. 6. Sed ne tamen pluribus alijs eiusdem Sancti Thomæ locis aduersetur, dico, eum secundum instans & secundam operationem boni Angeli referre ad terminum eiusdem, in quo iam erat conuersus ad Deum per cognitionem matutinam in verbo, ut explicat etiam Gaietanus; non quod in eadhuc mereretur, ut putauit Gaietanus, sed quod tunc primum intrinsecè & adæquatè à malo Angelo distingueretur; cum alijs primaria operatio via bona Angelis secundum se (non quoad durationem) fuerit utriusque communis.

21Ceterum cum mors illæ, seu instantia Angelica, per respectum ad nostrum tempus, non fuerint ita indubia, quin coëxistere potuerint, & re ipsa coëxisterint nostro tempori, ut dictum, queri potest, quanta absolute mora à creatione Angelorum, usque ad eorundem terminum intercesserit. Respondetur, in particulari nihil constare, ut recte Molina citata quæstione 63. articulo 6. Vasquez disputatione 229. capite 11. & disp. 234. numer. 4. & alijs, tamen cum omnes faciantur, non fuisse longam moram, videtur etiam omnibus persuasum, multò citius, quam intraspacium unius diei naturalis fuisse transactum totum negotium, adeoque & lapsus ac ruinam diaboli contigisse, ante creatum primum hominem; quem ipse iam damnatus ad peccatum impulit Genes. 3.

Et quia Angeli fuerunt creati in principio seu primo instanti durationis creatæ, simul cum cælo & terra, adeoque ante creatam lucem, verdictum quæst. 1. dub. 1. consequenter dicendum, videtur, aliquo spacio primi illius diei, quo lux creata fuit, hoc negotium fuisse transactum; quanquam ut dixi in particulari nil certi potest definiti. Ita etiam post Augustinum lib. 1. de Genes. ad lit. c. 17. & imperfecto cap. 5. & lib. 11. de ciuit. cap. 19. item post Bedam, Rupertum, & Glossam in Genes. cap. 1. Et divisa lucem, ex communi docet Suarez hic lib. 7. cap. 2. num. 13. quicquid Iustinus in dialog. cum Tryphonie, & Irenæus lib. 4. cap. 78. dixerint, non peccasse Luciferum, donec homines tentaret. Certè dicere, non peccasse ante lapsum primi parentis, error in fide est, contra Genes. 3. & Sap. 2. vers. 24. Inuidia diaboli mors introiit in orbem terrarum, ut recte Molina loco citato.

22Quis vero status sit Angelii boni ac beati, constat partim ex dictis suprà disp. 2. quæst. 6. partim restat dicendum in 1. 2. de hominis beatitudine: si quidem communis est ea causa Angeli, cum ceteris beatis. Summatim autem restota in hoc constitit. I. quod in Angelo permaneant naturalia, adeoque etiam cognitio & dilectio naturalis, ut docet S. Thomas quæst. 62. a. 7. II. quod impeccabilis sit, ut docet art. 8. cont. Origenem homil. 20. & 24. in Num. & 13. ac 35. in Lucam; cuius errorem, damnat inter alios Fulgentius de fid. ad Petrum. III. quod in beatitudine essentialiter non possit proficere, nec ad diem quidem usque iudicij, ut docet artic. 9. quicquid olim in contrarium dixerit Magister in 2. dist. 10. sed in accidentaliter tantum; respectu cuius aliqui beatis etiam nouum concedunt meritum, in quibus Richardus in 2. d. 10. a. 1. q. 1. Bonaventura

in 2. dist. 11. art. 2. q. 2. & Gabrael q. 1. a. 3. dubio 2. Sed rectius cum suis negat Sanctus Thomas cit. art. 9. ad 3. Gregorius de Valentia q. 13. punct. 4. Vasquez disp. 230. cap. 2.

Quietiam addit, præmium seu gaudium hoc accidentale in beatis tantum crescere usque ad diem iudicij, quod consentaneum est etiam S. Thomæ, & alijs, loc. cit. Sed de quo tamen video dubitari posse; quia eti nullum nouum gaudium concipient, decontumpe peccatorum, aut ijs, que in terris aguntur, tamen nil videtur obstat, quod minus de alijs rebus, præsertim supernaturalibus, nouis subinde revelationibus & illustrationibus recurent, ut etiam indicat Valencia loco cit. Sed quia verius est, etiam has post diem iudicij cessaturas, recte absolute dicitur, hoc augmentum solum durate usque ad diem iudicij, ut communiter loquuntur Theologi, post Sanctum Thomam loco citato, & recte declarauit Suarez hic libro 6. capite 8. à numero 9.

### D V B I V M III.

*De via & lapsu Angelii mali; aspectum quando, quinam, cures suam, quo ordine, & quotnam Angelii peccarint.*

S. Thomas 1. p. q. 63. a. 1. 4. 5. 6. 7. 8. 9.

IDe via mali angelii, quantum ad ordinem variorum instantium, quibus eam peragit, satis actum est dubio præcedenti. Ad cetera hoc dubio proposita quod attinet, octo serè queruntur. 1. Vtrum Angelus natura sua necessario sit peccabilis. 2. Vtrum re ipsa peccarit. 3. An statim in primo instanti sua creationis peccarit, aut peccare potuerit. 4. Vtrum supremus inter Angelos malos, fuerit absolute supremus inter omnes Angelos. 5. An alijs Angeli eius suatione & exemplo peccarint. 6. An simul omnes peccauerint. 7. Vtrum plures peccatint, quam perleuauerint. 8. Ex quo ordine fuerint Angelii lapsi: quæ nos totidem assertioneb9 breuiter resoluem9.

IIAssertio I. Non est quidem Angelorum ullus sua natura malus; sed potius tamen eorum quilibet sua natura peccare: nec fieri potest, ut illa creatura intellectuali natura sua sit impeccabilis. Ita S. Thomas hic q. 63. a. 1. & 4. Et prima pars est de fide, & extra controversiæ, contra Manichæos & Priseillianistas, ex Concilio Bracharense I. can. 7. & Leone Iep. 1. ad Turibium. c. 6. & Concilio Lateranensi sub Innocencio III. cap. Firmiter de sum. Trinit. & fid. Cathol. Et patet ex illo Genes. 1. v. 31. Videlicet Deus cuncta quæ fecerat; Erant et alde bona. Ratio est. Quia omne quod est, hoc ipso quod est, bonus est: seu quod idem est, Omne ens, qua ens, bonus est; Angelus secundum naturam suam est ens: Ergo secundum naturam bonus est. Quæ ratio probat Angelum secundum suam naturam non esse aliquid malum in genere Entis, ut videntur etiam intellectus Manichæi. Item quicquid Deo auctore fit, ut sic, malum non est; quia Deus non est auctor mali; Angelus quilibet secundum naturam suam Deo auctore factus est;